

3. Yog ib tug txiv neej twg mus yuav lwm tus neeg tus poj niam lawm, ntawm nws tus poj niam tsis pub nws muab tso theeb kab tim puam, nws yuav tsum coj nws poj niam mus cob kom muaj chaw txawb chaw rau.

### **TSHOOJ XV: Deev Taus Yuav Tsis Taus / Muaj Me Nyuam**

Tus txiv neej uas mus deev ib tug poj niam xeeb tub es nws ho tsis kam yuav tus poj niam ntawd, nws txhaum txoj cai tshooj no. Tus poj niam yuav nyiam yog nkauj xwb los yog lwm tus neeg tus poj niam los yuav raug phua txim mus raws li nqe no tag nrho. Kev kho teev raws li no:

1. Tus txiv neej txhaum no yuav tsum tau muab \$2,400.00 mus kho tus poj niam uas raug deev no. Ntawm cov nyiaj muab \$2,000.00 kho tus poj niam ntsej muag, muab \$400.00 kho neej tsa / neej nus.
2. Yog ib tug txiv neej twg coj ib tug poj niam mus deev tag tiam sis ho yuav tsis taus, tus txiv neej ntawd yuav tsum tau kho tus poj niam ntawd \$1,200.00 nrog ib roog cawv.

### **TSHOOJ XVI: Quab Yuam Deev**

Ib tug neeg twg tsis hais poj niam los yog txiv neej tau quab yuam deev lwm tug neeg tus no yuav raug tsoom fwv rau txim raws txoj kev txoj cai.

### **TSHOOJ XVII: Plaub Tshoob Kos**

Tsis them nqi tshoob nqi kos. Tus txiv neej uas coj tus ntxhais mus ua poj niam tab sis tsis mus ua tshoob ua kos rau neej rau tsav li. Nqi tshoob nqi kos los yeej tsis them rau neej tsa li. Ob tug neeg no mus nyob ua kev, muaj tub ki li niam txiv, Plaub ntug rau txoj kev txhaum hom no muaj raws nram no:

- A. Tus txiv neej uas yuav tus poj niam no yuav tsum tau them nqi tshoob rau neej tsa. Tus nqi tshoob no yuav tsum them raws Hmoob lub txhooj tshoob txhooj kos seb tus poj niam lub neej poob rau tshoob kos hom twg ces them raws li tus qi hom tshoob kos ntawd. *Saib rau hauv Hmoob 18 Xeem phau tshoob kos.*
- B. Ntxiv rau nqi mis nqi hno, tus txiv neej no yuam tsum muab \$200.00 mus muas neej muas tsav thiab muas kev txhaum txhua yam.
- C. Yog tog tub tsis tuaj ua tshoob ua kos, yog hnuv twg niam tais yawm txiv hais tuaj txog rau 18 Xeem lawm, tog tub yuav tau muab \$500.00 kho Hmoob 18 Xeem thiab yuav tsum them nqi tshoob nqi kos kom tag ntxiv rau txhua yam nqi ntaub ntawv hauv 18 Xeem.